

續修廣雅

歸奇

節婦張李氏張高游之妻十八歲于歸二十三歲
夫故孝敬翁姑和睦妯娌苦節三十八年現年
六十一歲

節婦陳劉氏拔貢陳汝文之母十六歲于歸二十
歲夫故青年矢志訓子成名苦節五十三年現
年七十三歲

節婦楊蕭氏楊道善之母十八歲于歸二十八歲
夫故家貧如洗紡績度日苦節三十二年現年
六十歲



節婦范熊氏范新策之妻十八歲于歸二十八歲
夫故矢志撫子永勵堅貞苦節六十五年卒年
九十三歲

節婦曹郭氏曹心倜之妻監生曹鎮邦之母十九
歲于歸二十八歲夫故矢志堅貞孝慈兼盡苦
節五十三年卒年八十一歲

節婦曹蔣氏曹向華之妻十八歲于歸二十六歲
夫故孝事孀姑撫子成名苦節五十二年卒年
七十八歲

節婦謝陳氏謝仁悅之妻十七歲于歸二十二歲

夫故上事翁姑下撫兒女苦節二十年卒年四十二歲

節婦蔣熊氏蔣明盛之妻十八歲于歸二十八歲

夫故敬事衰姑嚴訓幼子苦節二十五年卒年

五十三歲

節婦魏范氏魏芳柄之妻二十歲于歸二十七歲

夫故家無立錫柏舟自誓苦節二十四年現年

五十一歲

節婦陳蕭氏陳仕賜之妻十八歲于歸二十六歲

夫故家貧姑老矢志彌堅苦節四十三年卒年

六十九歲

節婦趙潘氏趙光先之妻十九歲于歸二十九歲

夫故治家勤儉撫子成名苦節四十六年現年

七十五歲

節婦趙余氏趙耀清之妻二十歲于歸二十七歲

夫故上事翁姑下撫孤兒苦節二十八年卒年

四十八歲

節婦雷王氏雷韻時之妻十八歲于歸二十二歲
夫故矢志冰霜言笑不苟苦節二十年卒年四
十二歲

節婦余王氏余廷貴之妻十八歲于歸二十七歲
夫故事親撫子備歷艱辛苦節三十七年現年
六十四歲

節婦朱李氏文生朱俊臣之妻十九歲于歸二十
九歲夫故撫姑兩世自矢堅貞苦節四十四年
現年七十三歲

節婦張蔣氏張順祿之妻十九歲于歸二十八歲

夫故家貧無子撫姪承祧苦節二十五年卒年

五十三歲

節婦魏馮氏魏萬里之妻二十歲于歸二十六歲

夫故孝事翁姑撫子成立苦節四十二年現年

六十六歲

節婦陳莫氏陳萬璪之妻十九歲于歸二十九歲

夫故敬事衰姑慈撫幼子苦節二十五年現年

五十四歲

節婦黎張氏黎文明之妻十五歲于歸十九歲夫
故青年矢志善事舅姑苦節三十二年現年五
十一歲

節婦張陳氏張忠義之妻二十二歲于歸二十七
歲夫故矢志柏舟撫子成立苦節五十三年現
年八十歲

節婦趙苟氏趙宜科之妻十七歲于歸二十五歲
夫故冰霜自勵撫子成立苦節二十六年現年
五十一歲

節婦周蘇氏周禕緒之妻十六歲于歸二十五歲
夫故上事翁姑辛苦備嘗苦節四十五年卒年
七十歲

節婦劉黃氏劉興漢之妻十八歲于歸二十八歲
夫故撫子成立自矢堅貞苦節四十二年現年
七十歲

節婦汪盧氏汪廷蘭之妻二十歲于歸二十一歲
夫故青年矢志永勵堅貞苦節四十六年現年
六十七歲

節婦曹傳氏曹向灼之妻二十歲于歸三十歲夫
故敬事病姑訓子成名苦節二十四年現年五
十四歲

節婦孔胡氏孔廣忠之妻十六歲于歸二十一歲
夫故家貧如洗鍼黹度日苦節三十六年卒年
五十七歲

節婦雷趙氏雷啟祥之妻十七歲于歸二十四歲
夫故事姑撫子辛苦異常苦節二十八年現年
五十二歲

節婦曹陳氏曹向奎之妻十九歲于歸二十五歲夫故矢志柏舟撫子成立苦節三十四年卒年五十九歲

節婦何譚氏何文教之妻十九歲于歸二十六歲夫故上事翁姑下撫兒女苦節三十四年現年六十歲

節婦姚劉氏姚宗前之妻二十四歲于歸二十九歲夫故家無立錫紡績度日苦節二十九年現年五十八歲

節婦陳何氏陳全義之妻十七歲于歸二十四歲
夫故矢志冰霜撫子成立苦節四十年現年六
十四歲

節婦王左氏王仕仁之妻十九歲于歸二十歲夫
故青年矢志撫姪承祧苦節三十年卒年五十
歲

節婦吳李氏吳美山之妻十八歲于歸二十四歲
夫故上事翁姑下撫兒女苦節四十二年卒年
六十六歲

節婦王唐氏王志萊之妻二十一歲于歸三十歲
夫故承歡親心撫子成立苦節三十三年現年
六十三歲

節婦楊段氏楊萬藻之妻十七歲于歸十九歲夫
故青年守志玉潔冰清苦節三十二年現年五
十一歲

節婦馮余氏馮德培之妻十七歲于歸二十四歲
夫故柏舟矢志備歷艱辛苦節四十年卒年六
十四歲

節婦王胡氏王華美之妻十八歲于歸二十六歲
夫故事親撫子備歷艱辛苦節二十八年卒年
五十四歲

節婦蔣陳氏蔣民佑之妻二十一歲于歸二十四
歲夫故家貧無子撫姪承嗣苦節三十二年現
年五十六歲

節婦陳何氏陳學明之妻十九歲于歸二十歲夫
故矢志堅貞撫子成立苦節四十二年現年六
十二歲

節婦雷曹氏雷天倫之妻十八歲于歸十九歲夫
故青年矢志言笑不苟苦節四十年卒年五十
九歲

節婦余魏氏余德昭之妻二十歲于歸二十七歲
夫故自誓柏舟辛苦備嘗苦節二十四年卒年
五十一歲

節婦王曹氏王世文之妻十八歲于歸二十八歲
夫故孝事祖母及翁姑撫子成立苦節三十年
現年五十八歲

節婦周杜氏周興岐之妻十九歲于歸二十三年
夫故上事衰姑撫前子如己出苦節四十四年
現年六十七歲

節婦尹陳氏尹祥宜之妻十九歲于歸二十九歲
夫故姑苦含辛撫二子成立苦節二十二年現
年五十一歲

節婦張宋氏張尙言之妻十八歲于歸二十九歲
夫故事奉翁姑撫子成立苦節四十三年卒年
七十四歲

節婦陳舒氏陳仕榮之妻十八歲于歸二十九歲
夫故事姑至孝撫子成立苦節二十二年現年
五十一歲

節婦王段氏儒醫王志莊之妻年十八歲于歸二
十九歲夫故氏朝夕謹事翁姑撫姪爲子教養
成立守節三十四年現年六十三歲

節婦王龍氏儒童王志高之妾年方十七歲于歸
二十三歲夫故僅生一子年四齡氏教養成立
守節三十六年現年五十九歲

節婦王胡氏儒童王肇商之妻年十九歲于歸二十四歲夫故氏孝事衰姑撫姪爲子守節二十六年現年五十歲

節婦王張氏王肇坦之妻年二十于歸二十九歲夫故氏教養二子成立守節二十一年現年五十一歲

節婦陳莫氏陳萬璫之妻年十八于歸二十六歲夫故養姑撫子孝慈備至苦節三十年現年五十六歲

節婦張熊氏文生張永乾之妻十九歲于歸二十
九歲夫故矢志冰霜苦節三十年卒年五十八
歲

節婦張楊氏張永豐之妻十七歲于歸二十九歲
夫故苦節二十一年卒年五十一歲

胡游氏生乾隆甲午年正月廿日吉時其翁德二
享年九十三歲姑游氏俱享年八十歲氏善事
之夫正甯享年七十八歲家貧氏勤紡績淑德
溫恭撫子大昌學而未成今亦年屆八十氏已
百齡恭逢

國慶准予百歲碑記

夏周氏夏永韜之妻親見重孫現年九十三歲
蔣李氏生於乾隆乙巳年七月十三日吉時家貧
無子夫歿後依女家以居日勤紡績老猶強健

現年八十九歲

湯蕭氏貢生蕭琯之女湯景舜之妻生乾隆甲寅
年三月十九日吉時孝敬兼盡勤儉持家現年
八十一歲

何傅氏副榜何聲夔之妻事親相夫克全孝敬理
家教子備極艱辛賢聲素播於族黨年屆百齡
卒例應請

旌

李姚氏李上倫之妻生於乾隆甲辰年親見元孫

現年九十一歲

節婦胡吳氏胡順朝之妻十八歲于歸二十八歲
夫故矢志柏舟言笑不苟苦節三十七年卒年
六十五歲

節婦胡秦氏胡順國之妻十八歲于歸二十四歲
夫故苦節三十八年現年六十二歲

節婦江吳氏江啟安之妻二十歲于歸二十八歲
夫故家貧矢志撫子成立苦節三十二年卒年
六十歲

二八 卷之二
節婦吳李氏吳茂先之妻十九歲于歸二十七歲
夫故家貧無子撫姪承祧苦節二十五年卒年
五十二歲

節婦盧陳氏武生盧宗瀚之妻十九歲于歸二十
八歲夫故兩世撫孤辛苦備嘗苦節三十七年
卒年六十五歲

節婦唐龐氏唐大定之妻二十歲于歸二十五歲
夫故家甚貧苦撫子成立苦節三十一年現年
五十六歲

殉節婦女

明曾氏明芳庸之妻年三十九住清灘嘴携成人女避賊於船賊搶渡氏懼辱携女投河死屍猶相抱不釋

江蔣氏江國之妻年二十九賊渡河逼近婦心懼辱投池水死

何陳氏何德昌之妻伊女何滿姑姪女何閨姑何喜姑伊戚幼女謝桂姑劉德成之妻廖氏伊子劉么兒幼女劉女弟婦劉楊氏劉思誦之女舅

巴劉學襄之妻羅氏伊妹劉小女劉襄珍之妻

秦氏張華氏唐蔣氏盧杜氏盧閏姑盧金秀蔣

危氏陳李氏陳佑姑陳邨姑張何氏與姪婦張

何氏郭黃氏郭張氏郭周氏郭謝氏俱被賊圍

不受辱投水死

以上俱咸豐十一年五月十一日事

何陳氏何文宗之妻咸豐十一年五月賊至氏避

兵於河東之清灘嘴賊渡河氏夫與子皆被賊

衝散氏偕長媳撲河死

何羅氏何鍾賢之妻咸豐十一年五月賊至氏避

兵於清灘嘴及十一日賊渡河氏夫與弟皆被
賊圍去氏攜幼女投水死

郝陳氏郝德益之妻年二十三歲咸豐辛酉年五
月初三日賊至氏避兵於郝家岩砦破賊強辱
之不從自撲岩死

宛遠集

卷三

樂善場圓山寺殉難士民

邑延袤百里嘉陵江界其中五月之亂賊由河西
攻賊十一早賊目彭紹福率黨千餘人搶渡河東
黃統帥率師破賊賊於東岸探聞即乘十二日大
雨反渡由清平鎮竄往萬古場二郎場與朱逆合
股故河東得免於難是年十月初二日郭逆率賊
數萬由古樓場管家渡一帶渡江初十日紮營樂
善場場外有二砦曰圓山寺圓山觀十五日午後
以火攻破圓山寺鬪死者數十人赴火死者數百

人脅去者千餘人繼攻圓山觀其砦首乃貢生李
成瑞文生劉之元先自焚砦下草棚以禦賊賊以
雲梯蟻附登牆甫及垣砦丁急以刀斷賊手賊墜
遂蝟集攻砦砦門炮台乘賊聚兩炮並發四面炮
台亦齊發斃賊百餘人帶傷者數十人賊乃退時
貢生王者佐文生張珍辨清平砦守禦更定後焚
砦下牛廐以警之賊疑大兵掩至四更拔營去圓
山寺亦曰獅峯砦明萬厯時建廟於上賊焚後片
瓦無存死者焦骨無從辨識貢生張瑄李成瑞等

率隣人收其餘骨埋大塚於砦下砌以石而樹之
碑進士范元音誌之曰殉義塚茲將殉難姓名臚
列於左

劉文瑞樂善場人携家避難於圓山寺賊破砦執
其女瑞恐爲賊辱奪女投於火女呼父瑞曰無
呼吾與汝俱死矣遂自赴火中其兄文魁文定
文榜合家殉難共十餘人義烈最爲昭著

李榮鳳年五十三家貧訓蒙賊破砦誘之降待以
師禮榮鳳不屈赴火死

苟學書宿儒賊破砦被執不屈遂遇害

李來生被賊圍去喜其壯日以酒食餉之來生義不從賊逃歸復爲賊執終不屈遂支解而死

僧應果僧登岸僧彼岸圓山寺住持也砦破應果師徒三人與賊鬪於門俱被殺

盧開禔舉炮轟賊中受傷死周正朝陳聲傑於砦上拒賊中炮死

陳光虞陳聲有陳聲度陳光前陳宗一陳禮典陳以寬陳玉才劉文榜劉桂一伍清安楊大興胡

恒泰楊順柏邢朝聘李尙義李光典楊萬章李
世林李丁蔣文光徐閏喜廖明發張建達楊國
治李文華唐世福唐老四楊松柏徐賢相陸有
魁陸登崑楊定珍張紹基以上皆與賊鬪被殺
吳光玉龍道政陳金德童代仲胡毓華陳丙堂張
仕棠羅以洪張遇林黃國祿張國榮李玉述盧
宗林張宗發劉貴一毛大興黃光富李光恩陳
昌義李大柏夏大章周科有杜信仁唐喜官雷
正清羅善言賀林永賀林泰劉學優陳王秀田

毓亮鄧顯崑楊昌義郭天受張至誠蔣遇品張
高桂雷正常唐酉生郭人倫張建芳劉二喜楊
存堯喬躬巴楊德光張元和梁麻子李安定王
麻子以上俱因賊圍不屈被殺陳玉龍投池水
死黃定乾墜寨牆下死

郭崇顯杜正泰王國衛俱年八十餘陳國仕程恩
才俱年七十餘其年六十以下者劉代富雷大
文盧宗奇李志一蔣正開楊開先陳金有周于
貴蘇均懷劉義順周成貴殷有堂陳名英劉學

道程濟德雷澤普張昌貴鄧清應鄧清秀陳光
華陳玉秀陳玉清陳玉基陳邦祿王永樂張建
貴陳世昌劉文魁劉文定鄧星燦陸有宣姚通
賢羅盛源雷正祿雷正遠陳紹喜李宗典雷大
宣唐老四鄧貞元楊光舉李東劉學古楊雙張
見昌張見書陸三合郭天全陳邦祿劉明星周
清明黃定前陸有朋其童男劉光裕劉和尚劉
來喜劉牛兒劉狗兒劉八兒劉滿兒張國祿張
國坪張鹿兒張娃兒張庚兒張三娃張四娃張

九娃張一生陳和尚陳分喜陳田元陳射巴陳
閏娃陳娃兒陳五兒陳六兒陳七兒陳八兒陳
丑兒杜菊娃杜四娃杜五娃盧敢生盧九兒盧
冬兒鄧喜生鄧妹崽鄧壬元鄧酉生鄧犬兒姚
冬林姚雙林蘇必壽蘇長壽陳三娃陳天喜田
長兒李冬兒李益生楊雙娃張坪兒劉官妹崽
楊三娃楊娃兒周宗壽周鉄爐子周冬兒覃春
娃李先知李丁兒楊丑兒羅善李丁娃張壬娃
張閏娃陳玉兒陸丑兒李和尚李牛兒李妹兒

黃犬兕黃九兕黃元兕陸登照陸酉兕吳敢兕
吳四兕吳五兕孔五兕孔六兕唐元唐趕殷黑
狗股狗兕羅四喜趙毛兕程濟春郭福生徐順
喜何長壽王大喜黃九兕以上俱燒斃

圓山寺殉難節婦

鄧陳氏鄧世宗之妻二十五歲夫故孀居十一年
三十六歲賊破砦被執不辱赴火死

苟徐氏苟學理之妻二十二歲夫故孀居二十年
四十二歲砦破懼辱投火死

盧張氏盧開珍之妻二十七歲夫故守節十五年

四十二歲賊破砦撲火死

符譚氏夫故守節六十五歲賊破砦赴火死

鄧陳氏夫故守節十三年賊破砦赴火死

圓山寺殉難烈女

烈女李瓊英邑廩生李成錦之女貢生李成瑞之

姪女幼許字貢生張瑄之子年十六賊破砦瓊

英隨老母墜牆下母折足瓊英守母不去賊欲

牽之罵賊撲二層坎下火坑死例入祀節孝祠

烈女陳玉連陳聲全之女年十六砮破罵賊投池
水淹死

烈女李春兒李洲之女年十七砮破懼辱與母胡
氏及幼弟俱赴火死

烈女雷瑞英雷大玉之女年十五砮破懼辱與母
胡氏赴火死

烈女梁長姑梁紹奎之女年十四賊執不受辱被
殺

烈女雷元姑雷澤普之女年十五賊破砮懼辱與

父澤普俱赴火死

烈女張妹憲張啟元之女年十四賊破砦與祖母
胡氏赴火死其十歲以下者文生張乃勲之姪
女張菊姑張桂枝劉桂一之女丙姑羅善文之
女妹姑陸有洪之女翠兒羅善品之女翠兒楊
萬結之女翠兒盧開禔之女妹憲唐郭氏之女
丙姑殷朝義之女躬巴殷朝德之女丙姑鄧清
映之女元音陳光虞之女翠姑重喜陳光義之
女喜璉劉光宗之女菊姑陳茂昌之女來英張

紹碧之女滿姑張建光之女金姑李光華之女
引弟李世林之女么姑陳邦祿之二女引弟辛
姑周一山之女妹惠周岐山之女捲兒姜長春
之女閨姑姚鄧氏之女閨姑鄧奇之女么姑蘇
均懷之女閨兒劉桂香劉昭妹劉二妹劉酉姑
劉滿姑劉官妹劉昭兒陳滿姑陳壬姑程年姑
程岩英張接弟張么姑張順姑張妹姑張彩雲
李壽姑李閨姑黃翠姑周妹崽陸妹崽趙卷妹
崽符四妹楊菊姑周寅姑陸妹崽陳連英陳雙

姑以上童女皆隨父母殉節死義而斃於火者
也例得備書

圓山寺殉難老幼婦女

杜陳氏杜正春之妻八十四歲雷澤富之妻邱氏
劉順義之妻曾氏苟正清之妻徐氏陳國仕之
妻夏氏賀福遠之妻符氏殷大乾之妻郭氏秦
三合之妻楊氏劉文喜之妻曹氏蘇萬全之妻
湯氏梁萬林之妻陳氏雷澤膏之妻杜氏王金
氏王張氏秦楊氏以上皆七十餘歲若被罵賊

赴火死其七十歲以下者張林榮之妻王氏杜
鴻洲之妻胡氏周成緒之妻劉氏張三元之妻
莫氏雷澤昭之妻夏氏鄧賢之妻盧氏王永樂
之妻莫氏李世林之妻潘氏殷朝文之妻吳氏
劉大方之妻胡氏雷馮氏郭天德之妻黎氏周
官祿之妻楊氏黃國祿之妻張氏陳紹喜之子
廖氏陳聲美之妻夏氏徐賢章之妻陳氏陳光
華之母程氏雷大玉之妻胡氏李玉述之妻彭
氏王張氏陳蕭氏張郭氏陸鄧氏鄧盧氏王莫

氏陳周氏張羅氏周劉氏劉曹氏李杜氏賊破
砦以長布拋上砦牆令婦等攀援而下且曰不
殺汝吾與汝以米物各歸家婦等忿罵不從悉
赴火或抱子投池中義不苟生其婦四十歲
以下十五歲以上者劉文榜之妻曹氏陳光輝
之妻楊氏陳光壽之妻康氏盧開敏之妻陳氏
郭人賢之妻周氏李洲之妻胡氏李清之妻明
氏陳光彩之妻王氏盧開祥之妻徐氏楊安德
之妻廖氏黃大榮之妻樊氏姚通賢之妻邵氏

林宗彪之妻雷氏雷正官之妻張氏郭人英之妻文氏鄧貞元之妻粟氏張元和之妻李氏李丁之妻吳氏李光華之妻顏氏雷正祿之妻馮氏郭人俊之妻羅氏楊萬結之妻劉氏譚正樂之妻盧氏雷正常之妻劉氏覃量之妻殷氏郭世富之妻李氏楊定理之妻劉氏唐仕斌之妻田氏雷大玉之妻劉氏周官舉之妻黃氏羅晉文之妻劉氏陳金有之妻鄒氏雷昌之妻陸氏李學滿之妻張氏馮心裕之妻朱氏唐人和之

妻陳氏周清才之妻楊氏劉明星之媳何氏劉
顯隆之孫媳杜氏唐郭氏楊劉氏二十八歲楊
劉氏二十七歲周黃氏楊劉氏張李氏唐李氏
張李氏盧徐氏雷李氏唐郭氏楊劉氏陳劉氏
郭王氏楊廖氏陸馮氏鄧屈氏陸馮氏李武氏
劉何氏劉陳氏盧張氏雷周氏王馬氏王杜氏
楊徐氏唐陳氏雷姚氏時賊酷事焚殺惟不殺
婦女益欲大肆淫污也婦等皆青年懼辱故舍
身拒賊及砦破賊爭掠其少麗者婦等咸以屋

瓦擊賊面而自赴火死節悉完

烈婦唐蔣氏唐祈陞之妻年三十餘於咸豐十一年賊匪渡江逃走不及賊欲污之氏大罵不屈賊殺之死時尸豎立不倒數日面目如生

節婦陳何氏陳全義之妻十七歲于歸二十四歲夫故矢志冰霜撫子成立苦節四十年現年六十四歲

節婦王左氏王仕仁之妻十九歲于歸二十歲夫故青年矢志苦節三十年卒年五十歲

節婦吳李氏吳美山之妻十八歲于歸二十四歲
夫故上事翁姑下撫兒女苦節四十二年卒年
六十六歲

節婦王唐氏增生王志萊之妻二十二歲于歸三
十歲夫故承歡親心教子成立苦節三十三年
現年六十二歲

節婦楊段氏儒童楊萬藻之妻十七歲于歸十九
歲夫故青年守志玉潔冰清苦節三十一年現
年五十歲

街子壩平安砦殉難士民

徐國榜五十五歲賊破砦持矛趨圍賊衆蜂集度
不勝大罵之賊遂劈其首死

唐德厚年六十二賊突至持刀欲與賊鬪賊見卽
殺之

郭尙良破砦後持刀與賊鬪賊集衆殺之復投火
中

郭聯科徐正廷郭尙方三人爲賊所執不屈俱殺
之

宋克勤六十四歲賊脅從勤以老病告復逼迫之
堅不去被殺

張化柏七十三歲唐祖興七十八歲郭一智六十
九歲皆投火死

楊連章於街子壩場後遇賊脅之行偽以疾辭賊
再三催促終不從遂殺之

苟在敷年十二賊執不從撲火死

街子壩平安砦殉節婦女

左徐氏左隆壽之妻年六十三賊破砦執長子芳

貴去氏携利鋤殺賊旁賊見之以刀劈其首死
徐楊氏徐正烈之妻年二十四誓不從賊自縊死
徐鄭氏徐國興之妻見賊破砦恐爲賊汚墜砦牆
下死

烈女廖連秀年十六見賊至懼辱墜砦牆下死

唐蔣氏張唐氏吳李氏張顏氏唐張氏張蕭氏王
夏氏張李氏舒李氏皆於破砦時懼賊汚赴火
死

飛龍塲寓甯砦殉難上民

教習易堯祝飛龍塲糧民也在寓甯砦管帶團丁
咸豐十一年冬月初六曹逆巨股紮飛龍塲堯
祝帶勇接仗身先捨上山梁殺紅衣賊目二名
生擒三人眾丁鎗炮齊施斃賊數十人賊退入
塲未刻賊隊數千人赴寓甯砦索戰堯祝與左
芳洲把截隘口不得進始去次日復戰堯祝持
長矛與賊交刺連奪賊矛二根左足踢斃賊目
一名拔刀不及眾賊砍落堯祝右手遂遇害賊

支解其屍貢生蔣灼爲具事呈縣請卹例入祀
昭宗祠

易宗佑易堯祝同族也隨堯祝與賊戰堯祝遇害
宗佑奮力救護亦被殺

李遠立萬善場人咸豐十一年五月賊至遠立投
遼太安寨避兵行至楊家溝埡口被賊圍擒逼
降不從反大罵賊身中數傷而死

傅天雲傅正品之子咸豐十一年以鎗擊斃賊於
郁馬坪后爲賊索去復仇辱罵不屈賊尸解之

信 有邑龍女寺人家貧慷慨有氣節咸豐十一年滇匪至境傅有約諸年少防堵隘口賊前哨至有奮力與戰殺賊三人會賊大至被執欲其降有罵曰吾豈從狗徒作殺人放火事哉賊怒寸磔之死時年二十餘歲鄉里咸以烈士稱

人
之
心
也
一
心
之
所
向
也
一
心
之
所
向
也

二
三
四
五
六
七
八
九
十
十一
十二
十三
十四
十五
十六
十七
十八
十九
二十

定遠縣志

仙釋志

譙秀蜀紀載蜀之八仙曰容成公李耳董仲舒張
道陵莊君平李八百范長生爾朱先生是也蜀中
觀音普賢文殊時衍神化而佛法以興夫仙主長
生佛崇因果後世宗其說者竟謂避穀煉丹可以
脫化參禪禮佛卽格蒼穹遂至屏聰黜明寂滅無
事韓昌黎所以有道其所道德其所德之譏也且
夫居敬窮理必有實功誠意修身非由冥悟求之

不見不聞不亦遠乎顧儒者嚴聖道之防除異端之教峻門牆以拒之不如因所明以通之姑爲列其姓氏紀其遺事附諸存而不論之條昔者夷之聞孟子教而憮然今載筆及此其亦有逃墨歸楊逃楊歸儒之望歟作仙釋志

宋鑑公和尚姓何字子澄八歲披剃於天宮院經史百家靡不研究自謂當世之辯不能傲以所知訪道至郢州太陽山見指禪師深契之住數年忽辭歸指云昔洞山不歸今子要歸洞山非

與曰彼遊方外我蹈中庸措云子得其全矣遂
作詩送之至隨州太洪山與恩禪師友後歸紹
興十四年五月三十日召門人與語端坐微笑
而逝有宋勅鑑公和尚碑尙存

明無際安岳莫氏子聞定遠縣羅圍寺本真上人
道行高潔遂披剃於此師事之正統間召入勅
爲宗師遺白香雙趺復曰無蚊事載安岳碑記

國朝

大錯南京人少遊楚年五十至定遠建寺名山西

堂說法了曉四方僧多師之七十餘歲跣跣而
逝

張秀音張聖相女幼具慧眼說法談經晝夜不倦
及笄隨兄嫂入寺自陞佛座說法談經如故月
餘不食觀者日以萬計後沒喪葬城內觀音寺
屢著靈異乞丐楊天祥素孝病寢夜夢神授觀
丹丸按其筋脉次日遂痊邑令孫熙有記咸豐
十一年五月初六日逆賊何國良圍城禱於神
神許以十三日破城乃吉賊驕蹇宴樂以俟十

一日黃公大兵至半日殺賊十數萬救城鄉數十萬人下流合州重慶一帶得以安靜賊平男婦赴秀觀音酬恩者日千萬人

神之廣大慈悲豈止一乞丐楊天祥見靈佑哉聞發

神恩以德後之能文者光緒元年補修縣志特記之

卷之五

五

三

定遠縣志

醫八

劉世相舉人世昌庠生世珍之嫡堂兄業儒屢困
童軍乃精究醫理無論貧富相延必至不計謝
貲聲譽日馳於川東北卒年八十一歲

何觀光文安之父候選教諭文綺之嫡堂叔業儒
兼精醫術重屬著名致家饒裕活人無算子文
安姪文綺親受其傳俱有聲聞至今何姓庠中
人五世繼之卒年七十八歲

僧慧南俗姓滕法名澄智生乾隆癸丑年冬月三十日吉時四歲入釋門及長精習外科醫術不吝工貲製辦藥材矜恤貧苦毫不受謝住持劉家菴大道廟爲人忠厚誠實生平童身現年八十二歲

定遠縣志

陵墓志

太公望封營邱五世反葬於周孔子合葬於防封
崇四尺古人於先世兆域蓋其慎哉然必生前德
業爲閭里所共欽而必沒後封邱不與草木同朽
柳下季塋禁民採樵可驗也定邑先賢故壘宋元
以前無徵自明以來每於荒烟蔓草荆棘縱橫之
地考表誌而知之曰某塋某邱先賢某之寗安處
也輒低徊留之不能去蓋功德文章卓然名世之

才生而爲英死而爲靈鄉邦後進悵徽音之如昨
過墟墓而生哀其亦爲桑與梓必恭敬止之意歟
作陵墓志

明副使李琳墓在舊縣北溪上

運使李邦表墓在舊縣武勝山下有唐荆川誌

按察使田大年墓在山西堂左

巡按張引墓在臨江寺右

參將何世英墓在城南五十里觀音山

義塚在縣南門外

定遠縣志

藝文志

左太冲稱相如王褒楊雄輩曰幽思綯道德摘藻
挾天庭言詞賦之凌轢千古也唐韓昌黎稱陳拾
遺云一代大文章子昂實高蹈嗣是李杜文章在
光燄萬丈長以及眉山蘇氏俎豆文壇新都升菴
飛聲藝圃洵可謂彬彬郁郁繼武鄉賢者矣我
國家雅意崇文昌明經學會清真雅正之歸除鉛華
冗濫之習定邑自有明正統以後作者林立彪熊

炳蔚照耀史冊但屢經兵燹之後掇拾之餘或存
吉光片羽或窺全豹一斑莫不奉以琳瑯永爲寶貴
本朝重熙累洽稽古右文鼓吹休明笙簧典籍以故
翰墨雲興人文蔚起當纂修全省之盛爲鱗驥攀
附之謀爰乃蒐輯持擇都爲一集撰著則自經傳
訓詁以至詩賦記序雜文則自軍國奏議以至遊
覽贈答鉅細洪纖同條共貫未嘗不可勒碑碣鏤
棗梨使考古之士克廣聞見也是以振藻含英苟
裨益於記載卽奉爲騷壇牛耳焉作藝文志

壬申秋大閱東川夜宿定遠遇雨

全蜀使者吳

溪環花石水潺潺小住征輶得暫閑吏不煩苛民
氣靜武陵源只在深山

新遷定遠縣

明四川巡按喻吳臯

天闕遥遥帝渥頒許遷荒縣大江間濤光曲引龜
龍館峯勢重開熊虎關丹殿青樓依勝蹟水城山
堞破愁顏人家景象翻然改只有清風舊往還

咏永壽寺海桃

明分守譚塏十山

梵果原從海外來神僧奚向寺中栽空閒度索千

年熟漫道元都幾樹開紅雨未隨流水去緋衣疑
自夢魂回青田核在憑誰覓且共嘉賓數舉杯
山寺桃開紅錦斑公餘登眺試凭欄僧云異種傳
杯渡我訝前身秀阿難散去色隨金砌變折來丹
落玉瓶寒空門說相原非相宜囑吟壇帶酒看
咏海桃和分守譚十山韻

明分巡
趙斌

傳聞勝果自西來槎使移將佛地栽色散玉姿擎
露濕香含紅萼傍雲開秦源遺事翻猶幻漢綬流
芳挽不同从客天涯驚物候且憑天艷醉深杯

海國昔年傳異種春風此日放雕欄
繽紛爭羨天工巧甘脆能禁蜀道難
碧樹花然烘座煖穠枝水湛透杯寒
不須更上西王苑已把瑤花次第看

題胡公祠遺址八首

選存四首

東魯

邱仰文

邑令

相泉鑿地說當年庭廟於今欲化煙
寂寞江干漁火樹荒涼嶺上架梁椽
殘碑斷處文難讀遺績湮時紀未全
獨有蒼棠凋不去長留白月照祠前

桐鄉故事渺難論

公楚人初沒奉治命墓邑踰時冢君定復遷歸楚張中丞引桐

鄉事

美之十里荒城虎豹蹲夜月萋萋扶劍氣孤雲冉

冉黯人魂凌霄古木湘江盡絕事烏台椽筆存此
似寒山蕭寺裏疎鐘微雨伴黃昏

沙平月隱事全非冒雨尋荒坐翠微雉堞櫺邊松
鼠亂罟罟眼底竹雞飛燹兵劫盡文猶古苔蹟煙
殘露未晞好去鹽灘求菱舍西山采過祀田薇

北江邊有
鹽灘溪

蜚鳥王喬下彩虹騎箕傳說上寒空手分列宿窺
天漢位度流泉有化工龍鳳盤成光鬱鬱水雲環
就影濛濛欲知癯骨山姿美楓落吳江一帶紅

遊東山寺遂登天印山

周紹繹

對江一漿水軟色盈玻瓈野寺聞鐘入春山足鳥啼護禪編紫竹齋衲味黃蘗重過他年事磨崖與勒題

東山寺留題

谷日春融曉氣清春光滿放一天晴野田冰破生蹄滑官樹風和鳥舌輕近水魚家常聚罟依山麥隴半成耕政閒不碍尋僧興時向留題寺裏行

宿化城寺

薄暮鳥爭宿
支公正掩關
雲隨禪杖立
峯對寺門
安自古生如寄
至今人不閒
平明驅馬出
龕影一燈寒

蜀富人

女織不得寸組
農耕不得一舖
朝遊夜宴嫌未足
費盡金銀買歌舞
富人不識貧人苦
六月汗珠滴禾土
爾倉有粟箱有絲
胡不周爾之鄰里
鄉黨食食而衣衣爾馬
食粟妾繡幃恬然不自以爲非斯
人何以爲人矣
令尹作歌告鄉里

歸縣

水程九十里初勢急如弦爲暑憐衰馬貪涼上小船
江回高岸樹秋動晚陰蟬遠望層城起紅霞散綺邊

嫩荷

誰把青錢向此傾一池鮮碧水初平認根腳處原
無染纔出頭時已便清倒印圓陰微見影仰承珠
露不聞聲憐他弱植還須護莫放鷓鴣亂繞行

晚息東山

薄暮歸來興正奢
閑邀僧語對汀沙
不嫌久坐遲
山月漸覺輕衫點
露華雲宿石屏歸
翠閣江分燈
火照魚叉
鐘聲陡似催人去
送出修篁古剎家

留別士民二首

龍眠
陳啟佑
邑令

三仕之官萬里身
闌城風景一番新
士林不乏江
東秀民俗差如山左
淳

余初任谷陽學博
再任江陵縣令

正好鳴

琴留煦嫗那堪伏枕
憂鄉鄰攀轅父老休
垂泣善
氣如長慰遠人

琴書妻子片帆歸
解纜回頭
翠微宦後空囊誰

我似想來眾論不予非溪邊
濤水魚堪釣巷口斜
陽燕擬飛憶別有情如問訊
惜陰亭畔古柴扉

重過鉛山舊署東園題壁

邑人王

治舉人

路出鉛山近東園向夕開
秋花紅映草石徑翠生
苔竹短分新種松高憶舊
栽主人含笑接前令忽
重來

到此真忘返斜陽草閣西
花添今日種壁認舊年
題爲客屨楓岸還家苦竹
溪相逢楊大令夜飲醉
如泥

沐陽喜雨

邑人劉順璽舉人

策馬桑田次第遊連朝甘雨暑全收蟬聲靜咽池
邊柳燕子斜穿竹裏樓綠野村村秧插夏黃雲片
片麥橫秋漁歌牧唱民歡舞話到循良自愧不

呈邑侯邱贊齋先生

邑人易一龍舉人

瓊休宴罷耀天衢吏部文章鎮帝都

公以進士教
鑲分吏部

養終歸銅虎篆循良新賜木魚符

公改知縣
旋膺卓薦民真

掩草紳尤喜盜不開花猷更孚召杜昔年光史乘

至今碑碣模模糊糊

文儒循吏古希逢
坐見功名上景鐘
隱霧十年初變豹
立階三載愧登龍
監車剛喜歌孫伯
焦尾無端失蔡邕
父老攀轅留不得
泣書數語白雲封

答同年張西伯太史

邑人 曾天爵 舉人

堂開清秘聚仙才
剩有閒情酒滿杯
一代鴻文輝魯壁
千金駿價重燕臺
探花有意培桃李
洗馬無端戀草萊
客邸一篇聊展讀
蕭蕭黃葉灑窓來

封來法酒供沉香
醉倚木天過玉堂
誰信談經劉嘯谷
可憐遁世李平莊
皆甲子同年夜燒蓮炬雲衢靜

畫刻花磚日影長
獨有故人悲柘落
承明遠隔碧雞坊

送王翠巖由長樂鐫級旋蜀

丹稜

彭端澂

殘月朔風楚水寒
平明別淚灑江干
國家元氣資儒術
天下蒼生繫宰官
清慎一生勤匪易
知仁三德勇尤難
東川舊有丹鉛席
莫漫文壇作釣壇

由長樂歸蜀口占

邑人

王清遠

進士

幾番鏡裏見華顛
強仕偏成致仕年
竹樓和風春載酒
桃花明月夜行無
善政留湘水愧有謳

歌送蜀川聊喜薄田能自種筆床茶竈枕書眠

春遊圓山寺

邑人 徐廷貴 舉人

峻嶺風迴疾春深雪正融草分仙島綠花映佛龕
紅寺影雙珠並山光一鏡通遨遊三五輩遠眺樂
無窮

策杖春風裏山花傍路多巖空懸寶鏡寺古墜仙
螺地僻僧增懶林幽鳥任歌登臨清興滿何事羨
鳴珂

奉和甘都翰京都騶馬導輿圖元韻

邑人 胡英成 秋翁

聯篇珠玉暗生香遠奉護花樹北堂日愛木天常
珥筆雲騰金馬喜還鄉九重元首陳書切萬里歸
心勝箭忙冬笋冰魚欣饕餮蕭蕭風雨忘途長
柏臺三載慶彈冠天下蒼生刻未安萬里導輿衣
錦易十條伏闕上書難諫官漫許松廳好遊子須
知菽水歡忠孝誰先賢太史圖成騶馬贈同官

遊印山小魯亭

邑人謝彥舉人

水鶴沙鷗相對閒筆牀茶竈兆清班春遊蠟履隨
蒼兕夜泛漁舟迤白鷗閣遺退思橫北郭亭開小

魯見東山抗攘先哲饒風雅
贏得鳶魚任往還
天印高懸第一峯
佳山水處卜垣墉
雨晴樓閣羣
飛燕風定波濤自臥龍
洞外花擎紅日上亭前草
愛白雲封柏臺
世代留芳跡
慷慨先生不再逢

秋日登紅巖

何湜

放眼乾坤窄
憑高意氣豪
山川疑畫譜
祠宇渺秋
毫
曲澗流琴韻
虬松走怒濤
摩娑歸路遠
覽勝興
方高

庚申

二月十八開賊以正月自定遠過嘉陵
江由蓬溪擾遂甯兼及射洪監亭三臺

樂至諸縣

遂甯人

張問陶

知山

談虎聲低亦變顏驚聞烽火照鄉山親衰稍幸移
家早劫大方知出世閒誰撤江防輕蟻穴自傷歸
夢泣刀環亂離那及紅襟燕故壘銜泥尙往還
仰屋深宵迫自哀一官如爲避兵來看春冷眼疑
天象可吉心灰哭將才事有難言空抱膝命無可
用且循盃東風何苦吹塵世鬼面奇花處處開
指揮隨意說三巴啞啞渾如白項鴉人盡談兵與
有口我方憂世已無家竟拋庸蜀天應悔不信孫

吳計總差廣坐吞聲聊當酒傷心何處問桑麻
誰言閱歷更須深十載浮生變古今幾處飄搖憐
骨肉向來遊戲說山林積尸列柩何勞罵狡兔封
狼未易擒束手自愁無死法金經一卷耗雄心

聞陝西元戎勒侯掃滅教匪有感

邑人楊宗五歲貢

雲屯鐵騎聽鳴騶劍拂霜花躍紫騮信有豹韜能
破賊生來燕領定封侯鑿山右斷逆魑臂築觀高
懸女寇頭逆首膝二寡婦同時全滅忠畧自優明聖眷勛名

應繼漢千秋

貪狼困獸遠拋羣
斷首分肢處處焚
鳳樓親御宣
三捷麟閣高標第一勲
人愛孫吳多妙策
天留庸
蜀息妖氛縱橫萬里歌
生佛勒盡豐功愧不文

書巖懷古

邑人何蘇副榜

永和書法渺難尋
幾字鐫空峙到今
苔蘚未湮蟲
鳥跡風稜豈被雪
霜侵搜巖應列高高上
破壁端
須淡淡臨司馬
陽冰何處是舉頭猶見古人心

龍門鳳穴皆奇境
懲忿室慾亦好修
那識先賢珍

筆墨端留後世壯觀遊文成金石箴規炯字挾風
霜歲月邁莫怪洛陽誇絳貴琅環策府重冥搜

送介山弟任雅安教諭

苜蓿承顏抵八珍三公不易此官貧冰寒於水心
良媿吾道其南喜亦新欲懋箕裘須念祖莫求溫
飽計肥身嗟余久擁臯比坐陋巷猶稱草莽臣
闡後旋蜀呈同年豫撫楊海梁

邑人

何昌大舉人

楓林葉葉墜霜紅五度春闈一側空蕊榜幸同龍

虎日雲臺遙隔馬牛風人生險阻艱難裏世事悲
歌感慨中蜀道蠶叢幾萬里莫將梁稻慰歸鴻

泥金無命報登科人爲功名太折磨白髮常從愁
裏盡黃河每向客中過無忘賓旅唐虛谷善與人
交沈學坡別有孟嘗能愛士須知彈鋏勝鳴珂

壬辰飲於春山主人踏雪
醉歸傲古得句以寄主人 邑人何杰舉人

天寒地白朔風吼門外雪花大如手主人酬客肆
几筵生來先生不飲酒座有狂客沉麴蘖操卮挈
榼傾白醪滿堂歡笑樂陶陶一人向隅殊非偶我

勸先生進一觴遇雪何妨適我口戒飲只緣爲攝
生所耆還須酌大斗人生百年幾遇雪劉李到今
稱不朽君不見松竹青青耐歲寒梅花弱質偏能
久先生醉歸幸勿忘雪酒與君爲益友

邑侯星槎先生迎春瑞雪歌

邑人劉世昌舉人

春前三日紛紛雪官懼迎春迎不得今朝雪霽快
迎春看春兼看官顏色雪滿朝衣衣不濕雪滿朝
冠冠不集迎春無雪勝無春愛雪愛官春並及賞
雪賞春飲春酒雪壓春牛牛不走一犁春郊雪滿

田雪兆豐年歌大有君不見春輝煌雪飄颺

天子初元湛恩光雪裏迎春識循良又不見春婉婉雪
遲遲豐年穰穰樂熙熙不信但看迎春雪璇花璫
粲繞官側持鞭帶雪打春牛個個農民歡喜說

春日過水月寺看桃花

邑人

彭仲英舉人

水月精藍入畫圖桃花開日勝仙都鄉人誤認桃
花寺寺裏桃花近有無

西園墻下盡汙萊幾樹仙桃尚自開剩有白頭兄
弟在愛閒坐此去還來

山煙向晚白濛濛人過桃花樹底風林鳥飛鳴村
徑黑夜燈遠照畫橋東

李靜亭明府分校秋闈以嘉蓮圖索題

督學使者
徐士穀

兩歧麥異附枝桑如水臣心勵蜀疆珍重池蓮開
品字使君畱此作甘棠

典試使者
吳嘉淦

使君宦蹟比瀛溪菡萏花開瑞麥齊分得宵來雙
炬影勝他太乙照青藜

鹽茶道

吳

珩

我鷗

昔覽宋書符瑞志七紀嘉蓮開並蒂又聞唐內神
龍寺羣臣亦表雙蓮瑞同苞駢萼生豈常感德所
感斯獻祥何期石照園中藹却幻天淵池裏芳李
君循績專花縣陶菊鄭榆栽已遍甘澤應如夏雨
施華萃忽向秋波現一時傳賞追華林瑞應端由
和氣深不是長官清似水耶能靜友結同心我未
見花却見畫兩兩錦團擎作對影比湘娥倚玉肩
情疑漢女聯珠佩鯉湖靈植久無遺難得祥鍾半

畝池已賽木蓮圍錦堞更誇雪
蒼產我眉詩成愧
乏青蓮句頌瑞猶能恣豪素
桑擢連枝麥兩歧他
時更爲元絃賦

湖比按
祭使李卿穀紅樵

兩萼還從一萼開
嫣紅粉白鬪新裁
料知玉尺量
才手定有雙珠入
穀來

羨煞齊眉老孟光
行看花萼又聯芳
畫師寫照詩
人祝早識天工用
意長

董炳章

花放合歡呈祥瑞，凌波綵纈最喜有雙清。氣味嬌紅點綴並蒂，渾如連理樹一枝，綰定同心結。想天工人力，兩栽培，驚竒絕。濯秋水，真瑩潔。臨風立，和露折，供膽瓶。好近亭亭芳澤，鏡啟芙蓉，疑對語星聯福壽。從今決願棠陰齊庇，錦江中羣愉悅。調寄滿江紅

舉人 王志灼 見二

石照城頭園半畝，中有君子包衆有。古來君子豈有朋，蓮開並蒂誠非偶。猶憶秋初七夕前，芳情妙

人丹青手攜圖題遍錦官城邑並花名傳萬口那

知嘉水印山間三年善氣薰蒸久

公自癸卯履中任於今三年

秋更開一品蓮一耐三萼大如斗

中秋又開一莖三花者惜公未

獲見想公撤幕坐焚香一品蓮花入夢否仰窺天心

詎好奇感召端由積德厚研露寫成姚合詩請白

芙蕖徵紫綬我家舊鑄槐堂銘願乞嘉蓮種盈缶

撤棘公自蓉城歸並蒂菊花環圃右

菊亦有開並蒂者更

有五花結重臺花上開花皆並首藥榜傳來果聯

芳是年定邑獲雋二人共托龍門爲比耦我思嘉

山房集卷二
瑞豈虛生造物鍾祥定不苟公不見蘇州郡池產
嘉蓮科名花名兩不朽又不見宋相曾兆金帶圍
預頌我公綿福壽

何文茵

暢齋

休徵遠繼宋元嘉造化鍾祥寄物華幸有奇緣逢
異品已難並蒂況三花龍門此日科先兆是秋獲
雋二人
鳳閣他時慶正奢珍重靈根勤護植年年瑞萼發
官衙

陸之淳

一山

半畝芳園地幾弓碧塘香度藕花風先生笑指朱

欄畔

嘉蓮開日先生招飲池上

一朵華萃兩面紅

初驚並蒂門新妍又報重開一品鮮我傲諸公多
異福幾回池上看嘉蓮

琴堂布政自優優嘉瑞蓮徵孰與儔去歲芳蘭今
歲菊別開三異比中牟

天然一種謬花心分外栽培徧士林自愧不如承
露草無才孤負受恩深

金謂鏐

隴西宗派號青蓮夢筆生花大似椽君有幾雙齊
下管休徵預報校書前

濂溪愛爾到於今一味清高出碧潄造物不令太
孤立同根同萼又同心

沙芹生

丹青一幅寫芳蓮並蒂名標處處傳人愛光風兼
霽月花如璧合共珠聯應知國瑞爲家瑞始信心
田是福田漫說華峯開十丈而今嘉種在平泉

舉人何謙甫堂

愛花情似愛民深種得河陽滿縣陰却倩文通雙
管筆傳來仙子結同心

天教奇福屬詩仙菡萏花開蒂萼聯笑煞鴛鴦三
十六雙雙也學並頭眠

進士
范元音雅南

池荷獻瑞菊猶存絳帳親承笑語溫月憶中秋人
盡望花開一品客重論豈蓮自吐雲霞氣小草常

沾雨露恩

音去冬縣試
師拔第一

尤幸登龍如並蒂同鄉同

榜又同門

邑中楊同年
亦出師房

劉照臨

致簡刑清別趣奢華萃異樣燦官衙依暑喜映科
名草不器偏成君子花宅俊頭銜羞並蒂公孤氣
節恥同葩栽培久頌賢良尹偏向青蓮說世家

茹金

欲將花事問花神花結駢枝信有因漫說河陽花
滿縣奇花却讓種蓮人

舉人楊際春

家聲自古說青蓮種得華萃笑比眉蕊並中年三

異政花如紫殿兩班聯層層寶蓋瞻生佛叠叠
裳詠舉仙深慚小草蒙恩从一榜同門分外妍

劉照藜

朱華翠蓋滿官衙半畝塘開異樣嘉幸有謫仙臨
桂院先教生佛坐蓮花祥分並蒂香尤好瑞別雙
苞色更奢繪出丹青留史筆他年甲第冠三巴

輓忠烈黃公子春

四川石照工部
殉義四首尚書

萬青藜

狡兔封狼蜀可哀夔門日盼楚軍來兵臨賊滅崇
朝盡今古戰場第一回

城如累卵賊如麻一戰生全百萬家策馬彈丸同

誓識

公滅賊入城策馬偏視常言街道光景如舊相識

始知理數兩無差

公殉義後奉

旨建立專祠城中

主民即卜建於公舊安營處

妖星墜後將星傾人馬同驚果毅營

公統帶果毅營將弁將人

定邑申刻先有妖星異色如長蛇羣星追之入於東面江中頃間復有大星如日光芒羣小星隨之隕於西欲報君恩惟一死長留傳記著哀榮

蜀人為公著有哀榮錄

斬頭破腹死沙場夜夜忠魂繞鄱陽伯道無見公

有母令人千載哭同鄉

南充縣文邦從泣輓
舉人

羊羔美酒倚紅袖鐵馬金戈戰
戰場同受天家澤翰寄幾人逸
樂幾人殃

呼天雨泣紛紛淚墜地星流作
作芒尸祝他年盍配享文山前
輩是同鄉

泣輓

浮沉世事久傷懷那復狼烟到
處皆如此元戎能造命驚心馬
草裏尸骸

素書三卷溯家風定遠宏收一
戰功救得萬人難

自救此中定數問蒼穹

自東自北自西征棄得頭顱與抗衡古今偷生凡
幾輩都無面目對先生

荷戟從戎隊兩關運籌頗費相公才將軍一死頭
同斷疑是雷南再世來

巴縣選拔汪世城泣輓

男兒生當異域博封侯死當廟食著千秋否則埋
頭名不立立便與草本菱山邱回憶滇南烽火起
勞師糜餉殊未已于戈滿地遍瘡痍孰弭長蛇與

封豕

恩詔飛下九重天 中丞旌旗指蜀川
維楚有材晉實用雲霓屬望幾經年
白虹一道冲牛斗黃公威名攝羣醜
信是戎馬半書生百萬甲兵胸中有微服
果州假道行賊勢如蟻肆紛爭振臂一呼衆山響
倒懸尅日解危城屍填江河血流杵餘賊紛紛
竄如鼠豈料蜀難尙未終燕子窩前敢抗拒大將
轉戰力不支二三同志猶扶持瀕死諄諄相告語
成仁取義亦亦奚辭我聞捷報心私喜繼聞凶耗

心私皆摯友瞻望 公音容始知生榮不如死獨
惜翳桑有老親可憐伯道無傳人俎豆馨香存萬
古

聖恩高厚慰忠臣君不見杲卿出守常山日安賊操戈
竟入室斷舌不屈賊奈何功烈至今傳史筆又不
見宋代督師文文山柴市猶能濟時艱讀聖賢書
完聯學正氣凜然足仰攀睹 公遺像生悲感慕
公願與同肝膽遙指鄱陽舊關河萬里風雲皆慘淡

南充縣
舉人 李蹊言 泣輓

人爲公死悲我爲公死喜讀書數十年初願
本如此天爲愛公才天乃促公算欲使享大
名因之蒙大難吁嗟乎一粟寄太倉蜉蝣僅朝暮
鴻毛與泰山偷生者不悟我欲叙公事言長詞
亦複鄙俚慰公魂聊當諸君哭

題鏡泉王太僕遺像

並輓詩七律二首

戶部尚書羅慎衍

年華方春氣概如冬疾風勁草寒雪貞松羞不辱
以全孝果致命以効忠

寵錫丹綸芝誥則問命是崇饗等朱邑桐鄉則歆祀攸

隆興鄉先輩合州鄒汝愚齊齡而同傳諸無窮緊
千秋所不朽惟奇節而兼奇功

鏖鏖戰鼓萬旗明躍馬飛馳入敵營經日豐沈增
殺氣黃河一曲咽悲聲

鳳綸垂語褒功畧麟冊留芳說姓名千古馨香成不朽
至今桐樹暮雲平

桂花香發九霄榮更喜靈椿大蔭橫再起東山憐
赤子敢嗟

北闕誤青庚替兒報國身忘老有嗣成仁死亦生感答

聖恩真矍鑠古今人仰伏波名

輓王太僕遺像

文華殿大學士瑞常

男兒生不用封萬戶侯但須身後俎豆足千秋
麾健兒攘袂起寶刀雙劈賊奴頭賊祇可殺未可
撫環視吾民淚如雨越境殺賊報君王此公真
不愧守土馬革沙塲骨亦香一死長爭日月光君
不見丹心已辦還天地遺貌凜然有生氣

河水滔滔淘不盡孤臣血恨賦同仇誓掃螻蟻烽
煙水靖萬家聯袂呼殺賊百里如公堪寄命莽天

心不肯庇英雄憑誰問

賊未平民重困戰必

克謀先定念蒼生那堪長罹鋒刃和議草草悵元
戎祠廟巍巍祀賢令巧丹青難描報國心千秋憤
氣吞羣醜勲冠河北守百里封瀝滿腔血風起雲
飛髮豎背裂九戰功成裹屍馬革帝有恩言孤
忠亮節祠廟千秋簪纓累葉汗簡流青光昭日月
太常易名合謚忠烈

陝甘督學使者畢映辰

氛祲冥冥朔塞寒王郎年少正登壇力驅銅馬功

何大泣下金牌事本難
鬢惜兩親都作雪
心經九戰已成丹
蒲圻周處津門謝一樣

熙朝守土官

大河東望陣雲昏
小醜如蜂氣已吞
擊楫雄心追祖述
納罕當事誤孫恩
沙場碧染萋宏血
驛樹青歸杜宇魂
太史淋漓書戰死
堂堂高節照乾坤

戶科給事中夏獻馨

清豐大令非書生
胷中奇氣鬱縱橫
一身膽勝數萬兵
制梃九戰功垂成
殺賊積屍與山平
大河以

北倚長城誓殲狼豕報 神京玩寇誰視民命輕

掣肘忍教志不行羽檄飛來罷東征盧循納款豈
云誠漁陽又動鼓鼙聲鴻雁嗷嗷正哀鳴椎牛重
復與爲盟全局欲憑獨力爭崎嶇轉戰賊數驚無
那天欲全令名大星一夜暗前營馬革沙場梁棟
傾熱血滿腔答 聖明長空碧雲湧靈旌 帝有
恩言褒忠貞五花頭銜躋列卿祠廟青史何崢嶸
蛟騰鳳起振簪纓吁嗟乎清豐大令非書生清豐
大令真書生

辛丑閏三月二十六日將歸定遠留別瀘州

鶴山書院四首

戊戌江國霖人探花

無端別恨惱文通
三月光陰似轉蓬
絳帳慚收新弟子
青氊不改舊家風
模糊春夢遊天外
撩亂鄉心入病中
正喜岷江殘雪解
層層鵬綠擁征蓬

奔走頻年道路長
移家石照又瀘陽

昨二月初旬挈眷就館於

定遠三月旋到瀘州
琴書涼草成流寓
山水登臨感異鄉
差

幸慈闈常健飯
遙憐繡闥正凝香
縱歸仍是羈棲

客如此萍蹤爲底忙

適來小住豈緣名文字論交合有情敢詡春風盈
四座聊從古石話三生添燈未償求書債食菜曾
聽下筆聲此後鶴山山畔月知君照讀更分明
多謝諸君餞別杯臨歧相告意徘徊能文未必真
名士如我終當愧秀才蚤歲辛勤憑鐵硯前程珍
重上金臺定知吟館重來日桃李迎風樹樹開

舟抵重慶題爽心閣壁

瀘陽江下小孤舟送客無端使客愁回首爽心亭
上望長江憾水不西流

歸抵定遠

印山山色又當頭，不是還鄉也破愁。
漫擬成連歸海上，却如賈島望并州。
高城過雨雲俱活，野渡添潮水亂流。
多愧門閭都倚徧，春暉寸草願難酬。

舊闢書齋號愛蓮，遺徽景仰有先賢。

江虎臣王竹堂學博諸公

延余石照主教館於濂溪祠左廂

竭來渝水巴山路，重傍光風

霽月天無復，黃花堆檻外。

祠前餘土兩畦，舊種菜花去時，花如散金，天然

可愛，歸來則花盡矣，不勝慨想。

空餘綠草滿窗，前晝長詩課，須料

理掃榻焚香，手自編。

平州草色

邑令 姜由範

東風吹綠草芊芊深映峯頭淺映川
十里波光三里岸一洲春色半洲烟
平沙潑翠疑無路遠渚浮青別有天
寫入畫圖生意滿嘉陵山水夕陽邊

九洞晴嵐

亭名小魯蠡峯巔天印如星絕頂懸
九洞烟雲橫眼底一江蒼翠落樽前
遙連古渡嵐光秀斜對山城月影圓
幾度登臨頻弔古讀書遺蹟憶先賢

龍嶺鬱青

石岩深處識潛龍
百里嘉陵逗遠峯
淘盡江波春有影
噓開雲氣野無蹤
敢同化鯉稱神物
也兆多魚慰上農
破壁何年始飛去
千秋遺跡水溶溶

竹溪涵碧

大地雲陰狹處收
竹聲瑟瑟櫓聲柔
平橋流水通幽徑
夾岸蒼烟壓小舟
一色波光濃似酒
半篙人影淡于秋
淇泉風韻依稀在
綠到嘉陵古渡頭

書岩古篆

峭壁層層列雁行
搜奇來訪白雲鄉
山林賴有圖

書富風雨難消翰墨香巨筆幾人留姓字大名從
古重文章登臨我亦心儀久縱負詩才不敢狂

文筆奇峯

蜀東山色各爭奇靈秀攢成筆一枝十丈孤峯撐
瘦骨半彎新月掃纖眉雲烟燦爛摩空起科第連
綿預兆基多士攀躋須努力他年揮灑侍

丹墀

立千霄

忽從
旋現奇觀怪石千霄峙遠巒縹緲透本因山

水秀孤高始覺地天寬
低頭願作千回拜
頑性休將一例看
俯視烟嵐齊聳翠
劍峯林立碧雲端

環江晚渡

渡頭舟楫望離迷
多少歸人歇柳隄
波冷沙寒篙影亂
江平岸曲水痕低
櫓聲欸乃驚鷗夢
夜色昏黃聽馬嘶
待月登城朋獨立
漁燈幾點畫橋西

晚渡環江步雲大令元韻 王鏞

日影昏黃路影迷
紛紛渡喚白沙隄
春江水暖船行穩
夾岸山高月照低
釣罷人歸魚亂躍
鞍勞客

倦馬長嘶招招舟子知何處小魯亭東苦竹西

平洲草色

八首擇二

邑人

余宗靖

歲貢

平洲如畫草如煙河畔青青一色聯繞寺全迷書
帶處繫航喜遇浣花天科名日兆杜句鶴妙句年
傳謝惠連幾度馬嘶人喚渡隔江錯認釣魚船

九洞晴嵐

洞外鶯花洞裏書嵐光遠映曉晴初華分湖口峯
峯似烟繞秦州點點如萬里夢隨銅柱冷

先生出使交趾

十年官久伯臺居幾番小魯亭前望明月清風滿

石渠

洞外二三里即石渠
清流曲折天然佳境

謁忠愍公祠

四首

邑令

王聯堂

爲報君恩急奏章
濡毫筆掃一臺霜
已將黑獄回三字
誰向青宮問二王
前代山河無寸土
先生俎豆遍遐方
西風獵獵靈旗捲
知有忠魂鎮渺茫

慷慨龍鱗手自批
三年囹圄苦羈縻
栖臨危畫策資良友
代死陳書有烈妻
仙籙傳聞天左右
朝衣零落市東西
丹心浩氣依然在
碧血何曾化紫泥
纔從狄道返征輪
一歲三遷竟殺身
爲國除奸先

賊相舍生取義卽明神千言氣奮風雷壯兩疏光
昭日月新擬鑄鉗山嵩父子庭前北面跪埃塵
保陽幾度拜公祠立馬荒阡奠酒卮石照何年新
廟貌蓉城當日舊鬢眉此邦父老情何極共話滄
桑事亦奇一瓣心香虔報賽故鄉後學備官司

定遠雜興

七律二首

邑令

陸

璣

次山

紛紛鼠雀太陳因銅行官箴未敢循那見攫金能
鑄像却憐反獄要通神世家有後思廉吏我輩多
情恕醉人頗似淵明望一稔薄田釀怵不知貧

未奉潘輿日攬愁鐵園雲樹話杭州謀生行役既
倉雀逐隊浮沉宦海鷗命屑居卑奚論仕名雖定
遠不封侯偶思款段騎鄉里笑煞當年馬少游

和邑侯陸次山雜興

二首

王志灼

團扇家聲證夙因劍南游草屐推循仙才磊落詩
無敵廉吏風流化有神識字閑臨干祿帖論文最
愛讀書人年來重覩趙清獻琴鶴悠然不患貧

名園半畝日消愁五袴重歌等益州法立如山除
害馬門清似水喜眠鷗官聲頌徧萬家佛邑小才

長百里侯自古愛人由學道牛刀新試武城游

輓黃公子春遺像

邑人 梁大宇 副榜

陶菴殉節復生公文武才兼命世雄天下競稱名
進士軍前旋作大元戎爲荆國宰官聲著解蜀城
圍將略工迅掃鯢鯨難駐馬鷹揚一氣貫長虹
賊不全殲誓不休揮兵競向燕窩拔雖逢伏虜猶
張膽豈有將軍怕斷頭文信國堪分伯仲顏常山
又得明儔長留勁節撐天地纔算人間第一流

邑人 陸之濬 歲貢

芒鞋草笠傲三公戰死沙場鬼亦雄
天地無心麟孝子國家有淚哭元戎
千秋虎座留生氣百尺麟臺妙畫工
未報君親先一死高飛碧血作長虹
生死分明心日休當年王燕不空投
幸同重耳稱駢脅敢愧將軍號斷頭
遺像三巴新廟貌忠魂萬里泣朋儔
文山後輩陶菴裔祠抱宮牆占上流
摧山火器列重關黑虎桓桓技藝閑
漫說驕戎人太眾隻輪匹馬幾曾還

天昏日慘將星傾人戰疆場死伏兵
招得忠魂歸

石照國家從此失長城

寄龔叙亭茂才改道士裝

馮鎮巒

合州舉人

叙亭邑城青龍街人有道氣嘉慶戊午巒經達
匪蹂躪州境偕友萬棗峯等避地石照城叙亭
欣然留之後以道裝遊莪眉諸山見情雲山房
文集

儒林亦有悟真篇至道分明在眼前從古聖賢歸
何處人人都上大羅天

一龕靜對似枯禪不遇洪岸漫柏肩君到蓬萊煩
問訊可能容我作視仙

題赤水張刺史重修廣文馮遠村先生墓

邑人 蔣培元 拔貢

排山風木落紛紛百尺荒邱拜使君
獅嶺有緣光

日月龍門無福見詩文官從冷署經
三考碣出名

書妙八分我有辦香心敬祝紅椒花
下讀晴雲

廿年薄宦苦騷壇朶朶晴雲聚筆端
先生著有晴雲山房詩集

詩酒一家追李杜文章千古續歐韓
自甘馬帳培

佳士肯許龍門住冷官
先生部選龍門縣令不就舊壘崇封賢

刺史長留古碣後人觀

文選集

卷之三

三

戰國策序

明文

邑人

張一鯤

江西道監察御史

劉知幾曰縱橫互起力戰爭雄秦兼天下而著戰國策劉中壘亦云臣向所校戰國策書錯亂糅出其書出秦無疑至劉始定爲三十三篇荀悅又引劉與司馬二家聚爲一錄號春秋後語世尤其不量力劉本注於後漢高誘校於宋曾鞏再注於南宋鮑彪又再正於元吳師道嗟乎諸子於是書何卷卷也徐玩其序書之旨各立畛域遞相駁刺曾譏劉曰惑於流俗不篤自信而鮑則曰子固亦

求其故而爲之說非此書旨也且鮑極詆高氏疎
畧繆妄而吳又爲曾高左袒極詆其淺陋致誤嗟
乎諸子序是書又何其斷斷也親竊病焉嘗剗而
而評之諸凡書非出六經者亡能絕純而亡訾顧
其純而可觀可多識者在其訾而不可訓者亦在
如夏廣之潤考蜀錦之文繡紕類莫得而掩也然
卒莫能棄也孔子切左語絕其後二百四十餘年
列國相殘相墮相襲相剗而爲楚漢誰爲甄序而
信諸遠雖有陸賈司馬遷無所事載筆矣是史氏

之綜軸也。裨闔短長，譎誑相傾奪之說，卽不根諸理道，然縱之以陽，閉之以陰，肌豐而力沉，骨勁而氣猛，驟廻於咫尺，不爲近而步逸於八極，不爲遠曉變其故詞，不爲襲而甲拆其新意，不爲駭古今設文之士，率曰：「先秦秦之先，非六國乎？」其文之可讀者，具是是文家之郭郭也。山東之主愚於策士，矜激泛濫之說，而傾其國故；秦閉關謝客，儀秦衍軫之徒，亦自愚於其說，而殺其軀。故蕭曹輩興宗黃老而塞兌關中之主，又自愚於其祖詐武健而

亡其天下故漢解網是主臣之轍鑒也胡可言棄
也讀是書者譬夫求魚海濱伐材山林至於鱗介
之修短柯條之鉅細在漁人匠者審擇之而已審
擇之則子長文之爲史記袁悅齋之爲天下要書
李文叔名之爲至寶不審擇之則如曾子固所云
禁之戒之放絕之而已嗟乎楚之檣杌魯之春秋
一也申韓之語不必仁義而諸葛武侯有味乎其
說七法五輔八觀諸篇不必純乎王道而房僕射
于注爲之究心故夫書不必盡出於六經者然後

可勿棄也舊本注多不備而備者又以板刻年久
磨滅脫誤至不可觀頃與豫章鄧相奎氏蒲陽林
朝介氏吉陽王元甫氏悉取諸家本參考讎校至
十數過標張陸二先生批評於上方而篇中亦頗
裁其冗複說具校例中庶乎開卷明晰刻成書其
端云爾

國語解敘

明文

張一鯤

昔孔子發憤於舊史垂法於素王左邱明因聖言以攄意託王義以流藻其淵源深大沈懿雅麗可謂命世之才博物善作者也其明識高遠雅思未盡故復采錄前世穆王以來下訖魯悼智伯之誅邦國成敗嘉言善語陰陽律呂天時人事逆順之數以爲國語其文不主於經故號曰外傳所以包羅天地探測禍福發起幽微章表善惡者昭然甚明實爲經藝並陳非特諸子之倫也遭秦之亂幽

而復光賈生史遷頗綜述焉及劉光祿於漢成世
始更考校是正疑繆至於章帝鄭大司農爲之訓
註解疑釋滯昭晰可觀至於細碎有所闕畧侍中
賈君敷而衍之其所發明大義畧舉爲己憭矣然
於文明時有遺忘建安黃武之間故侍御史會稽
虞君尙書僕射丹陽唐君皆英才碩儒洽聞之士
也采摭所見因賈爲主而損益之觀其亂義信多
善者然所理釋猶有異同昭以末學淺闇寡聞階
數君之成訓思義理之是非愚心頗有所覺今諸

家並行是非相貿雖聰明疏達識機之士知所去
就然淺聞初學猶或未能祛過切不自料復爲之
解因賈君之精實採唐虞之信善亦所以覺增潤
補綴參之以五經檢之以內傳以世本考其流以
爾雅齊其訓去非要存事實凡所發正三百七事
又諸家紛錯載述爲煩是以時有所見庶幾頗近
事情裁有補益猶恐人之多言未章句與大鄭虞
韋唐諸君之註疏夫豈不義而甘爲之忠臣與先
是同年李惟中刻內傳於督學署中不佞與郭相

奎取外傳各分四國訂之註仍韋氏益以宋氏補
音條註其下字畫副副壹放內傳庶幾稱左氏完
書云

大通寺重修三殿記

明文

邑人張一鯤

愚以天寒避居塾傍之閣有僧請造之曰何僧曰
大通寺之僧也曰何來曰重修三殿完而請紀其
事於石也因問寺建於何年重修於何年僧曰不
知惟古佛傍磨滅而中有數字可識云至貞元祐
不知何代徐氏堂前舍莊剏寺記其稱元祐殆興
於宋季乎然則元祐以前不可考幻也元祐以後
亦不可考幻也今僧修之亦幻也爲僧記之又幻
之幻者也僧曰不然遺記磨滅匠石之未工也攻

文之未攻也倘有金石之作足以傳之不朽奚其
幻愚曰嘻然哉此寺嘗再過其地後有長林前有
大江四面懸巖中平叢竹量地而中堪種植者數
百畝愚因爲僧曰寺淨居也慮不淨爾今長林只
來清風大江惟過舟楫懸巖四布客之至者亦少
叢竹堪映藝畝可觀真淨居也獨寺殿不修莊嚴
未備覽者穢目馬今寺宗仰出已蓄之貲藉眾僧
之力自壬寅起工修一殿完以至二殿完以
至三殿三年成功可謂速矣用功三年而不少置

此一難也佛像之完全毫之整此二難也不募自
營而出已貲以至成功之速此三難也僧之用資
可謂用於必用之地而不用於不必用之地者乎
今之私其財利美其衣食繕其私居是僧當相去
萬萬矣愚異日必偕數僧經過其地視所創建必
豎豐碑大書深刻以垂久遠勿令易爲磨滅如向
所謂幻者也僧得記唯唯而去

新遷定遠縣碑文

明文

濟南

孟養惟

四川按察司

縣舊治在飛龍山其地山險隘而前臨大江夏秋之交雷雨暴至則崩巖錯落而洪濤迅飛上者有覆壓之患而下者有昏墊之災民之不安其居者蓋自元迄今踰二百年議遷者屢矣而眾志淆亂莫或適從歲庚戌侍御鄢公始毅然定其議卜遷於廟壩時分守孟公復力勸成乃約會中丞李公抗疏請焉及命下中丞戴公侍御喻公繼至九重其事責成於守令未期年而事竣余甫至適值庚

成之期郡守李子暨胡尹濂詣予請言予曰予何
言哉夫叙邑治之沿革紀建事之始末嘉其功而
示之鑒武羣公之記詳矣而予復何言哉無已則
姑以今日之事竊相與講焉夫邑治之遷也民情
政務咸以更始焉此固維新之機也是故城郭完
矣而防守可無備乎市井列矣而生養可無遂乎
公署成矣而政事可無修乎學宮建矣而教法可
無明乎類而推之政所當新者愈眾則今日之所
責者愈嚴矣矧茲舉也事關興革而工繁歲月務

重而費不貲焉謂民不告勞而財不告匱也丁吾
未之盡信也夫以初遷之後民志未定已不能無
安上重遷之思而復重之以傷於財而困於役也
則夫所安養而休息之者尤牧民之所宜深憂而
急爲之所也不然則新邑之有成也固尹之功也
而新政之有闕焉是誰之過與傳曰作法於涼其
敝猶貪作法於貪其敝將如之何濂也其慎哉作法
乎夫苟表儀之典樹則諸邑之政將何所於肅則
茲舉也其新政之廢興得失豈獨爲胡尹之責已

乎夫易窮而變有時也極重而反者勢也時之趨也雖古今爲瞬息矣而況茲一邑之事乎勢之積也雖陵谷爲變遷矣而況茲一邑之地乎易曰通其變使民不倦神而化之使民宜之明此以治天下雖萬世不能違也而況茲一郡一邑之政乎李守再拜曰廣矣公之言矣請記諸石相與其勉之

新遷定遠儒學碑記

明文

吳陳

鑒

四川學校按察僉事

維嘉靖壬子夏六月哉生明余自順慶將抵合州道嘉陵江至於定遠將順流東下其邑胡尹濂白曰定遠維新邑學亦新昔周公遷洛先誥多士盍觀之諸生不啻百人亦必有可教者余曰可乃艤舟而登城垣既週諸署翼翼民赴公兼理私室罔弗忻忻至於學謁文廟坐明倫堂進諸生講大學明德新民一章士亦悅豫以爲更新之始余乃言於諸生曰安土者重遷好逸者惡勞人之情與今

樂遷如是非所謂厭常喜新者乎諸生知新之可喜或未知所以喜也諸生曰願聞教余曰百工居肆必責之期以任其能則事易集不爾則因循人之爲學亦有知好惡者苟非策勵則日復一日以玩愒沉溺者往往有之爲無期限也今鼎革之際若期限然盤銘之訓當用在今日諸生苟志於道當益自磨濯以要正大光明之極其有不得於心者從此洗滌一去舊染以求復厥初毋以沉溺喪厥志洛誥曰明德卹祀天亦惟畀又曰爾克敬天

惟畀矜爾爾不克敬不啻不有爾士諄諄誥誡不
離明德豈亦有取諸維新之意與學文亦然我朝
以經義取士大異唐宋詞賦謂明經可適用也今
之爲經義者專務浮藻其下者錄記他人陳語甚
至有斐然成章而詢之則不知所謂者豈知所謂
適用者哉諸生果能由此而自新則明德由此而
適用則新民大學之道盡在於此所謂新之可喜
者也如是若碌碌如齊民曰改觀易聽而已何貴
於士何所望於諸生今夫趙孟之家華堂綺席所

延者必冠裳珠履也使鵠結數輩蒙不潔游息其中可乎回琴點瑟歌詩說禮使俗人叫哮交易其中可乎諸生苟不脫舊染覲茲新構能不泚泚胡尹曰大學之道諸生誦法久矣及此當爭自洗濯以不負明訓時胡尹請記遷學遂據面書之學制文廟兩廡櫺星門明倫堂兩齋復益以啟聖祠尊經閣神厨神庫鄉名宦二祠制亦云備邑舊在西十里必欲遷者大抵出岨卽夷避孤從吉有不可已者故學亦隨之其詳具喻侍御吳臯公記

定遠縣儒學重修記

明文

邑人

李純樸

進士觀
吏部政

定舊治逸矣嘉靖辛亥遷茲土時諸役繁興民不暇給以故學宮雖規制宏大而中有未盡善者其勢則然也甫歷六七寒暑而傾圯剝落時余自金臺奔內艱歸卽吉後謁文廟徜徉瞻顧憮然太息曰嗟乎宮墻美富寧是稱乎適府照磨胡君芝署邑見廬之敝欲捐金葺之余曰君能使吾民安於田里而無愁嘆之聲則邑之受惠多矣無已則請以新吾廬者新諸學宮可乎胡君曰諾乃偕學諭

李君遂司訓孫君表暨邑庠諸雋各捐俸若米若
貲共得金百兩米三十石爲重修計請於帶管督
學廉憲朱公求學租之半公報曰可友人鄉進士
張君一鯤伍君騰亦力贊之與余謀曰茲役也財
用具矣不得其人庸能濟乎乃相與走告致仕典
史李君全仁而請焉李君不得已至量工經度曰
廟柱巨矣然櫟也不力顧難其代宜輔以勁柏廟
制偉矣然土也溽濕苔蘚生之宜培以堅壤丹墀
停污殊鑿高明櫺星傾頽詎徵義路此其功何可

已也乃若簷之墜者路之窅者橋之陷者厦之脆者修敝起廢因用而經之不敢畧焉懼負託也不敢侈焉懼難繼也經始於西成告完於冬至余旋自錦里卽往觀之入門則嘆曰巍乎敞乎斯聖人之門乎拜於墀則嘆曰炯乎潔乎斯高明之域乎趨於廟則又嘆曰赫乎奕乎斯夫子之堂乎周旋縱觀見其簷若翼焉橋若虹焉路若矢焉厦若植焉碧嵐獻秀綠水呈奇日景昭回月華晃曜振衰起敝而山川之奇特靈異始躍然矣詢諸人人則

李孫二君之督率學君之經畫不可誣也會邑侯
屈公下車首先詣學聞斯舉也重切嘉嘆因俾李
孫二君丐余言紀之或曰茲舉也則可謂小補云
爾未備也卽求其備則作聖育賢可無坊乎鄉賢
名宦可無祠乎六經四子可無閣以尊之乎余曰
政有緩急事崇體要今茲定值寇盜之餘重以交
代不常民困甚矣我侯初至方拊循而惠養之如
慈母之育嬰兒陽春之嘘枯槁他日政成將以次
策舉何可云弗備也抑斯學也旣煥然一新矣告

庠諸雋羣而遊焉覩丹墀之潔則思躋於高明之
域仰櫺星之偉則思遊於聖人之門趨於廟則升
堂入室求其漸也觀於池則鳶魚活潑悟其機也
致吾之良知非所以作聖乎尊吾之德性非所以
尊經乎感山川之奇特而期以闡發乎地靈見廟
貌之維新而期以彪炳乎事業則庶乎人文之新
與學宮之新相爲一致而無負於諸君子振飭之
意矣然則斯舉也又豈曰小補乎哉方今聖天子
在上盛德日新萬化宣朗盍亦相與勉勵自新以

効用於明時乎余不敏敢以是勗並以爲同志告
焉朱公名綱山東人丁未進士屈公名大伸陝西
寧夏人乙卯進士胡君淮安人李君貴陽人孫君
臨安人李君仕爲白河典史安居典史孫君大桂
委捕吾邑亦與有勞焉法得並書之是爲記

定遠縣重修學宮泮池記

明文

廣安王德完

都給事中

伯侯榮吾以碧鷄金馬人豪字嘉陽三禩德化翔
洽政通民和雅意育才興學往慨敬一亭啟聖祠
歲久傾圯撤而更新以奉帝訓妥先靈神人胥悅
紀盛美者題侯曰忠孝業鏘之貞珉矣邇者侯又
以泮池湫隘移浚於櫺星門之前環植石檻汪洋
洪濬池之舊址多雜礫石乃令甃砌爲墀甬延袤
恢廓百丈宮牆內外煥然改觀君子曰斯制綦善

矣如砥如矢是百官之富濟濟蹠蹠所也如淵如
泉是洙泗之派活活潑潑地也雲路鯢池是思皇
之士化化神神境也廟貌之規制前後之剏改於
茲大備武勝山川增一色衆定之庠始埒渝巴而
材雋淵藪行且甲宇內矣侯之功顧不偉哉庠博
士張君鑰偕二三弟子員屬記於不佞謂侯此舉
六十年未有懇悉紀之爲千祀光不佞惟蜀有文
翁修起學宮令下縣子弟授書誦讀比於齊魯自
是淵雲輩出令岷山錦水縈思今侯之興士不減

文翁且以禮士者恤民一時尤稱兩善蓋學之羣
舉百廢適值旱魃多艱侯捐俸金鳩工役厚給廩
旣惠逮饑民當朝夕步禱壇廟旋即省試學工汗
衣小坐不少卽安亦必孜孜論道皇皇民瘼以故
前直指彭公薦曰桃李春熙語禮士也今直指徐
公薦曰政尙廉平語恤民也造士作人中有賑恤
時艱意侯殆繼起文翁而媲美龔黃矣時甫報政
計必內詔台垣沐天寵懋勲伐而流景耀於春秋
也非興學育材之左券耶不佞無以揄揚侯惟多

士自修其學無負侯也濬淵泉之萬斛湧泗水之
千尋敬義以澄源忠孝以遡厥滄溟以廣度明鏡
以瑩心俾寶玉不繫於泥塗球琳不淆於沙礫春
雷一震奮起蛟龍喜看變化天池霖雨蒼生侯涵
育人材如此樹人之績百代如新豈直一人一士
沐波澤已乎侯諱承恩字德卿別號榮吾渙之曲
靖人庚子鄉進士池修於今年孟春上澣而成於
孟夏既望蓋與甘棠並烈峴首齊輝云於時觀厥
成者主簿萬鑑典史

缺一字

四教法得並書之

是爲記

胡公祠堂碑

載通志
明文

銅梁

張佳印

中丞

定遠之祠胡公也凡二十餘歲云今年郡侯臨川
傅公走使五千里外抵書上谷納籩於不佞佳印
且其言曰故令胡公爲德於定遠也久恨不及考
見當時治功幸徵於其祠祠故未有其事者敢
微一言以信百世不佞謝曰微郡侯言胡公不佞
故識之也當公尹定遠在嘉靖庚戌間不佞始成
進士以使過其境公觴不佞於郊而嘆曰不腆敝
邑寥寥三戶故元一殘壘耳先王辨方正位保民

父民之謂何而苟陋如此吾將從事稽卜用永地
於新邑於時不佞從臾之越六年不佞爲曹郎復
以使過其境百雉言言則公造基今理矣公置不
佞信宿日登陴指點江山陰陽之所交廟社署廬
之所止經緯纖悉卽使土方氏操圭量入秉筭有
不能殫其智者不佞舉觴前壽曰公畢精神以爲
定遠建千百年不拔之業此公之桐鄉也公謝曰
異日者而吾民果能爲桐鄉乎吾死可瞑但以言
累下執事嗚呼此乙卯仲冬時語也不佞又何能

遜不文耶胡公者名濂字深甫人稱爲淝溪先生
楚之崇陽人舉嘉靖乙酉鄉進士始定遠得公時
見其癯乎山澤姿也與乎樸直容也訟師嘗以辭
黠胥嘗以文頑民嘗以負豪宗嘗以好公佯若中
其嘗者徐爲立科條運耳目敬老矜寡而又櫛比
其俗輸爲限役爲等修恭儉汰苛冗廉察大猾爲
公私蠹者不以假三尺諸嘗者咸潛伏屏息而公
恂恂猶是也歲時行鄉落勸農力耕教積貯禁婚
葬讌會因俗示禮而去其奢朔望申高皇帝大訓

延見長者問所便若暇則羣師儒考治經藝與鄉
鄙保伍之法公曰民庶乎可使矣遂遷邑大興人
徒遠邇之民勿傲從康山林獻材萬姓獻力大家
世族無重遷無浮言公爲償其材程其力而相忘
於勞城成四民之接載摩肩出藏於途市者揮汗
可以爲雨其人士之舉於鄉若春官者雲蒸颺發
祝舊邑之興衰相去又何但千萬已哉公敏幹博
洽尤精於天地之學甲寅大饑公糴於鄰賑之而
民猶洶洶公爲禱忽號於眾曰吾仰觀於夜水氣

制火雨在睂睫汝勿譁果大雨丁巳三殿災徵材
於蜀下令若束濕公才望受臺使者檄得督諸州
縣事公扶烏藤披雨芒屨鑿空通道櫛沐瘴癘審
勢計實諸州縣咸受要約榷枿豫章以谷量之乃
竟用勞瘁病篤起語一二吏曰某山之材宜某水
某水之險宜某時卽我死惟勿替我命廢縣官事
絕不及他語且曰我死必葬我定遠爾定遠子孫
世世勿相忘言訖而逝計公一官九載不得調公
亦以官爲家邑民無遁形亦無遁情有所事事僅

以願氣指使刑罰案牘幾不復用公子定成進士
今陳臬在蜀道德文學克紹休烈以發公未究之
志公之食報也厚矣始公卒訃聞於邑邑之人如
喪考妣爲之罷市人人肖像祀於家未已也又爲
建祠於縣之東凡若干楹更請奉公治命葬於邑
如桐鄉故事無幾公之子竟扶櫬歸楚邑之人僅
得奉公像伏臘蒸嘗瞻拜泣下而公之靈爽時時
在焉凡邑之人出入飲食必告告必應先是乙丑
妖賊起陷城公神降於民間余統曰昔我革路藍

縷東章西亥以相度茲土新造爾邦守臣不忠弁
髦我民以城予賊若亟爲焚蕢數千我將滅之越
二日保伍不約四集衆賊若或驅之就戮賊遂平
張氏一蒼頭以禦賊立木繩其杪忽墮於谷竟無
恙問之曰幸賴我胡公嗚乎公而生也其神運於
人公而歿也其人依於神公真神君哉不佞乃系
其畧以報郡侯然公楚人也習爲樂章其聲則楚
俾刻諸石歌以祀之其辭曰

靈匪躬兮綵綵春故都兮鬱伊築宮兮山椒枕流

兮白水涓梁文杏兮棟桂垣瓊玳兮縹之篴陽巫
兮大招靈連蜷兮雲之際燦元霄兮庭燎恍焄蒿

兮含睇

右迎神

驅飛廉兮豐降靈翩翩兮其來下弭翠蓋兮桂旗
駐蒼螭兮文馬覽往蹟兮四周撫父老兮弟子伐
鼉鼓兮灌鬯升肥羜兮丹簋漙金石兮瑟琴舞巴
渝兮皓齒靈偃蹇兮澹忘歸夜何其兮樂只
樂神
恍若靈兮告予惜良夜兮將旦御璫象兮騁驚捫
星斗兮歷亂指黃鶴兮武昌乘雲雨兮巫陽靈舍

予今何適生盼昧兮心傷寒霓旌兮不可留望天
路兮悠悠悵莫悵兮茲夕樂莫樂兮千秋

神

右送

張郭氏監生張凱臣之母紹軒之妻年二十一歲夫
故守節至八十方逝前曾請旌

譚張氏監生譚中孚之妻十八歲于歸二十九歲夫
故奉姑撫子教養兼盡卒年五十三歲

譚舒氏譚定義之妻十九歲于歸二十八歲夫故上
事老姑下撫孀媳備歷銀辛現年七十三歲

曾徐氏曾廣榮之妻二十歲于歸二十九歲夫故上

事曾祖母祖母孀姑下撫孤兒備受辛苦守節四十五年現年七十四歲

秦趙氏業儒秦秀林之妻監生作堂之女十八歲于歸二十八歲夫故生子一業儒光輝訓課子孫屢列前茅事姑翁至孝同治八年族親稟請獎勵前四川學憲鍾賜匾額清足式對賜對聯操慎治舟冰霜比潔甘回蔗境金石同貞現年六十八歲

宋趙普論

明文 田大益

太宗初無篡志也而其篡成於趙普嘗考諸史金匱藏盟奉教唯謹臨第視疾灼艾分痛而龍行虎步諄諄以太平天子稱之太祖之待太宗也至矣不以天下私其子而以天下與其弟太祖不愧堯舜趙普與四岳無多讓焉夫豆羹之賜人有德色矧天下重器也宰相尊位也尤與盟乎爲太宗趙普者稍有人心亦必鏤心刻骨沒齒不忘成盟未寒天道可畏豈遂負德賊恩如此其極哉故卽位

之初詔太祖廷美子女並稱皇循太祖待已之例
命廷美尹開封德昭爲節度是知太祖初無篡志
也而世俗以爲篡者謂燭影斧聲及宋后之託命
德昭之自刎不踰年而改名改元數事爲可疑耳
夫此數事者實不足以定其罪何也方太祖大漸
太宗人侍天命已定人望攸歸所爭只旦晚耳何
至不能少待而躬爲大逆好爲之之說未必非授
以太原收錢塘之計未可謂篡也宋后見太宗愕
然遽呼託命金匱之盟或宋后不知意大位必傳

於子今見太宗卽位危疑之際不覺其言之妄發
太宗卽泣曰共保富貴無憂也遷之西宮尊爲開
寶皇后未可謂篡也德昭請太原之賞半屬疎忽
因待汝爲之之言卽退而自刎剛烈之態不可明
狀其死雖慘太宗聞之曰癡兒何致如此若謂欲
以一言致之死地無論德昭未必死此一言德昭
卽死而廷美尙存德芳無恙世次將及彼將何以
謝天下乎亦未可謂篡也至不踰年而改名改元
此則事不師古以爲天子尊榮專在名號乃不學

無術之小疵耳亦未可謂篡也至廷美之死則不能爲太宗解矣更不得爲趙普解廷美固無罪者也柴禹錫之告變盧多遜之交逼趙白樊德明之起獄此小人逢迎構難之常技耳斯時爲趙普計必泣血諫曰陛下金匱之盟昭然臣工德昭已死今復以小人讒言而罪廷美於太后之盟何如此則太宗或殺機乃息而趙普不諫至罷其府尹留守西京許告者擢之燕犒者黜之而趙普不諫勒歸私第削其名號降封涪陵房州安置太宗已有

成心廷笑將死矣而趙普不諫踰年而廷笑死誰
實死之雖嗚咽流涕發哀成服遂足以謝金匱之
成盟乎哉太宗固然斯時不知趙普何以立朝班
也他日太子廟見還京師民擁道喜躍帝不澤曰
人心遽屬太子遂置我何地陋哉斯言於其子且
然何有於弟姪然由此觀之太宗處心積慮不過
一貪富貴患得失之鄙夫耳未必以亂臣賊子自
甘也乃遇一貪富貴患得失之趙普而逢君之惡
太宗遂以亂臣賊子自甘故後訪傳國於趙普普

忍心對曰太祖已誤陛下豈容再誤嗚乎自有此
言而廷笑死矣廷笑死於房州則何日燭影斧聲
及宋后之託命德昭之自刎不踰年而改名改元
彼數事者雖無意若有意矣故天下後世無不以
篡目之噫彼趙普者既佐太祖負周世宗於前又
助太宗負太祖於後可區之曰世助篡位趙家固
小人之尤哉吁南宋以後以太祖之天下仍還太
祖子孫天道何不可畏哉

觀音閣燈田碑記

明文

邑人田大本進士

世儒誦法孔子率詆毀老佛余竊謂不然彼各洞
了於身心性命曷嘗有異如今之分門通戶也即
如佛氏直視明心見性成佛所稱妙明明妙固亦
誠明明誠之旨其稱頓入漸入固亦性之反之之
說也蓋其登峯造頂後世咸宗師之老之徒尊爲
仙佛之徒尊爲佛誦法孔子者尊爲聖總之天下
之至聖云爾自後初祖以祖燈一燄立宗一燈相
傳燈燈相續其流布人世者有傳燈有普燈有續

燈今其書俱在則祖燈固至今在也佛發大慈悲
心憫一切迷人欲盡發之覺路而不立文字於是
立象以盡意故有祖燈以貽學人此與羲皇始立
一竒一偶以盡天地之蘊又何異也昔人以手指
月而人因指見月夫指非月也有悟乎此者則指
亦非指也而月亦非月也夫月亦燈也見燈者固
卽見月也謂月之非燈而燈之非月是食生物不
化也泥月之爲月與燈之爲燈此與畫餅淡河何
異佛又不云牟尼珠乎此珠非燈非月亦燈亦月

也佛氏之學予弗及知間嘗聞其語云吾有真性
真身在天地間不生不滅故視其身爲幻身宇宙
之大照臨之顯河嶽日星之懿禮樂文物之散見
猶將等諸泡影電露舉非堅久真實則凡見於形
色者一切皆幻也其何有於寺像亦何有於吾言
然則今日之事無亦戾其教法矣乎抑吾於是又
有感吾徒誦法孔子所學何事膺人牧之寄者學
校之場鞠爲茂草而緇流中顧有悉力營葺以崇
其教當有愧矣予非諛釋者也將以風世之誦孔

定遠縣志

氏者

試從楞嚴指示阿難稍見端而究不竟其旨引而不發然已躍然矣蓋象象教者言不盡意直俟人之了悟於象外耳余又見說最上一乘法以月之望朔晦立程未已也而以乾坤復始十二卦爲陰陽符合之候又未已也而曰不刻分子午無爻定乾坤此皆以月象也固卽其以燈象也余願學人由漸入頓由明入妙悟牟尼之珠識祖燈之燄則言燈言月可也不言燈不言月可也了此意者破黑暗世界卽兩曜無功矣先父紹國公嘗與映天

僧買燈田一分糧一斗一合爲寺之燈火計今世
世四時不斷余恐歷久而田界有侵蝕之者謀立
碑以紀之

重修觀音寺記

明文

觀頤子

邑人

李邦表

兩淮運使

寺舊在縣址右厥地有泉出名曰湧泉山山之原
有大雄殿殿前有閣閣建於泉之上故以名寺
自勝國至正十三年我朝洪武十五年設僧會司
以雲門了隆掌寺事其徒性珏嗣之惠吉悟善又
嗣之宏治癸丑守重慶中州毛公泰臨邑適以儒
學相易時僧會員缺無營構者又明年邑侯滇南
王公禹從僉請以龍鰲寺僧悟宏薦尋領僧會事
宏自丙辰入官始崇殿制樓閣軒廳大若干楹以

居凡庖湍園澗之所鐘鼓鈴磬應用之器悉具居
無何鼠賊蹂躪而寺毀於兵正德癸酉宏又悉力
力捐貲以次修復殿宇壯麗像繪森偉規模軒豁
木石瓦甃丹堊塗塹金碧相照如翬飛矢直仰以
覲飛龍之峙者峩如俯以臨嘉陵之流者潛如或
委蛇而合或舒徐而平或挺拔而出如蟠龍銅椿
諸山皆獻秀於瞻顧之間坦然以舒窈然以深脫
然遺人世而超汚濁亦勝槩也寺旣成住持性泰
輩迺徵文於觀頤子觀頤子曰予何言予孔氏徒

封底